

ELEKTRONIESE DATA WISSELAAR (EDI)

Wat is dit?

EDI, of elektroniese data wisselaar, is hoofsaaklik 'n "papierlose" handelstelsel. Dit behels die elektroniese oordrag van data, deur vasgestelde boodskapstandaarde, van een rekenaar toepassing na 'n ander.

Groei in wêreldhandel beteken dat besighede toenemend beter maniere ontwikkel om die beweging van rou materiale, voorraad en voltooide goedere te bestuur. EDI organiseer die vloeï van inligting van een punt van die leweringsketting na die ander.

Die voordele van die gebruik van EDI:

- Dit is 'n ten volle geoutomatiseerde proses wat min of geen ingryping deur enige party nodig het nie
- Verklarings kan enige tyd van die dag of nag aanvaar word
- Vinniger terugkry van vrag deur die vermindering van klaringsstye
- 'n Vermindering in per hand administratiewe prosesse, wat minder foute en geen duplisering tot gevolg het
- Geharmoniseerde sake-verhoudinge met ander liggame soos Transnet-haweterminale, Transnet-spoorterminal, lugrederye en laaikis-depots.

Ingevolge [regeringskennisgewing R814](#), gedateer 31 Julie 2009, is dit SARS se wetlike mandaat om die gebruik van EDI af te dwing vir die indiening van bepaalde vrag- en goedere-verklarings en verslae.

Enige vervoerder(s) of operateur(s), bv. depot, laaikis-terminaal of kaai-operateur, moet, vir die doeleindes van indiening, ontvangs en prosessering van vragverslae, op die manifesprosesseringstelsel (MPR) [voorheen die manifesontheffingstelsel (MAS) genoem] by SARS registreer indien hy/sy:

- Goedere of reisigers in of uit Suid-Afrika vervoer aanboord 'n vaartuig, vliegtuig, spoorwa of voertuig; of
- Enige goedere laai aanboord 'n vaartuig, vliegtuig, spoorwa of voertuig wat nie in vrye sirkulasie op enige plek in Suid-Afrika is nie en dan sodanige goedere na 'n ander plek in Suid-Afrika of deur Suid-Afrika vervoer. Suid-Afrikaanse vervoerders wat goedere in pakhuis verwyder, moet eers lisensieer by Doeane ingevolge artikel 64D (verwys na SC-TR-01-05).

Buitelandse vervoerders moet 'n geregistreerde agent in Suid-Afrika as sy/haar verteenwoordiger aanstel. Die buitelandse vervoerder moet 'n aanstellingsbrief indien en 'n DA185D tesame met sy/haar aansoek om registrasie.

'n Persoon wat 'n laaikis-terminaal bestuur of bedryf moet eers 'n lisensie bekom by die Nasionale Hawe Owerheid (TRANSNET). Sodra 'n lisensie aan sodanige persoon uitgereik is, moet hy/sy by Doeane registreer as 'n vragverslaggewer vir die indiening van verslae met betrekking tot:

- Die laai van laaikiste op skepe en die aflaai van laaikiste van skepe;
- Die oorlaai van laaikiste;
- Die stoor van laaikiste;
- Die opstapel en afstapel van laaikiste;
- Die ontvangs van besending en die aflewering van laaikiste;
- Die oordrag van laaikiste binne die terminaal; en
- Die oordrag van laaikiste tussen terminale, indien versoek, insluitend laaikis- of vragoordragte vir doeane-inspeksiedoeleindes.

Alle geregistreerde invoerders en uitvoerders, geregistreerde agente of gelisensieerde doeane-klaringsagente, moet ook as 'n EDI-gebruiker registreer vir die doeleindes van elektroniese indiening van klaringsverklarings by doeane, tensy hy/sy minder as tien verklarings per kalendermaand indien, wat nie tien lyne oorskry nie.

Breedvoerige besonderhede oor doeane se EDI-databeskrywing kan in die [SARS EDI-handleiding](#) gevind word. Die SARS Elektroniese Data Wisselaar (EDI) handleiding is opgedateer met die nuutste weergawes van die UN/Edifact data-ontwerpriglyne, asook verbeterde diagramme wat die funksionele samestelling van die verskeie elektroniese doeane-boodskappe verduidelik, verwys na die [opdateerde EDI-handleiding](#).

Vir 'n outomatisering van voorlopige betalings van doeane-invoerverklarings en aktivering van voorkeurkode, [klik hier](#).

Hoe werk EDI-registrasie?

Dit is SARS se wetlike mandaat om elektroniese kommunikasie af te dwing. Die volgende kliëntsoorte word vereis om ingevolge artikel 101A as EDI-gebruiker te registreer om verslae en verklarings elektronies by Doeane in te dien.

Die volgende kliëntsoorte word vereis om by Doeane te registreer om verslae elektronies deur die Manifes Prosseringstelsel (MPR) te kan indien:

- Lughawe-owerhede;
- Vervoerders;
- Koeriers;
- Operateurs van: sameladings, laaikisterminale, kaaie, laaikis- en ontbinding-depots, transitloodse;
- Spoorowerhede; en
- Padvervoerders.

Die volgende kliëntsoorte word vereis om by Doeane te registreer om verklarings elektronies by Doeane in te dien:

- Invoerders/uitvoerders; en
- Geakkrediteerde en nie-geakkrediteerde agente.

Indien jy vir die eerste keer vir EDI aansoek doen of indien jy 'n bestaande EDI kliënt is wat per internet data wil oordra, lees die volgende dokument: [PKI application procedure - Client](#).

Watter vorms word vereies om as EDI-gebruiker te registreer?

Voordat jy enige vorms voltooi, moet jy 'n diensverskaffer kontak om die nodige sagteware te kry. Sodra dit voltooi is, moet die volgende aansoekvorms voltooi word.

- [DA185 - Application form: Registration/Licensing of Customs and Excise Clients](#)
- [DA 185.4A6 - Registration Type 4A6 - Electronic Communication with SARS](#)
- [EDI User Agreement](#)

EDI-aanzoekers wat 'n internet-stuuradres gebruik, moet by die naaste doeane-kantoor of by SARS Hoofkantoor aanmeld met hul ID-boek, aansoekvorms en toepaslike stawende dokumente, by:

Die EDI-Besigheidsadministrateur
Walker Creek Kantoorpark
Florence Ribeirostraat 90 (h/v Florence Ribeiro en Totiusstraat)
Nieuw Muckleneuk
Pretoria 0181

Tel. nommer: 012 422 6981/5087
E-posadres: EDI_Administrator@sars.gov.za

Kliënte wat die X. 400 stuuradres gebruik kan hul aansoekvorms en toepaslike stawende dokumente direk aan die EDI-administrateur stuur by die bogenoemde adres.

Omkeertyd

Die omkeertyd vir EDI-registrasies is ongeveer sewe (7) werksdae.